

# 卷七十七

書名 唐詩品彙九十卷拾遺十卷 嘉靖十六年序刊本  
 撰者 明 高棟 輯  
 卷 卷七十七  
 內容分類 集-總集-各代-唐  
 索書號 集部-總集-35  
 編號 D7841100

[彩色首頁1](#)

[東洋文化研究所漢籍目錄 編號: D7841100](#)

[東洋文化研究所漢籍目錄所藏漢籍善本文影像資料庫 索書號: 集部-總集-35](#)

[漢籍善本文影像資料庫文本唐詩品彙九十卷拾遺十卷 嘉靖十六年序刊本](#)

[版權所有: 東京大學 東洋文化研究所](#)

[使用上的注意事項](#)

唐詩品彙拾遺卷之一

言古詩上

太宗皇帝 五首

帝京篇 三首

日雙闕昏迴輿九重暮長煙散初暝皎月澄輕素  
 晁說琴書開軒引雲霧斜漢耿層閣清風搖玉樹

二

臨樂館眺聽歡芳節急管韻朱絃清歌凝白雪  
 蕭來儀玄鶴紛成列去茲鄭衛聲雅音方可悅

三

新寧高棟編

張巡 一首

守睢陽詩

接戰春來苦孤城日漸危  
合圍侔月暈分守若魚麗  
屢厭黃塵起時將白羽揮  
裹瘡猶出陣飲血更登陴  
忠信應難敵堅貞諒不移  
無人報天子心計欲何施

王季友 一首

玉壺冰

玉壺知素結止水復中澄  
堅白能虛受清寒得自凝  
分形同曉鏡照物掩宵燈  
壁映圓光出人驚爽氣凌  
金罍何足貴瑤席幾迴升  
正值求珪瓚提携共飲冰

唐詩品彙七十六卷

唐詩品彙七十七卷

接武上

錢起 二十六首

省試湘靈鼓瑟

善鼓雲和瑟常聞帝子靈  
馮夷空自舞楚客不堪聽  
苦調淒金石清音入杳冥  
蒼梧來怨慕白芷動芳馨  
流水傳湘浦悲風過洞庭  
曲終人不見江上數峯青

觀法駕自鳳翔迴

擗搶一掃滅閭闔九重開  
海晏鯨鯢盡天旋日月來  
聖情蘇品物龍御闕雲雷  
曉漏移仙仗朝陽出帝臺  
周慚散馬出禹讓濬川迴  
欲識豐人頌南山舉酒盃



題玉山村叟壁

谷口好泉石居人能陸沉牛羊下山小煙火隔雲深  
一徑入溪色數家連竹陰藏虹辭晚雨驚隼落殘禽  
涉趣皆流目將歸羨在林却思黃綬事辜負紫芝心

送王諫議任東都居守

車徒鳳掖東去去洛陽宮暫以青蒲隔還看紫禁同  
經過乘雨露瀟洒出鴛鴦官署名臺下雲山舊苑中  
暮天雙闕靜秋月九重空且喜成周地詩人播國風

送鄭書記

決勝無遺策辭天便請纓出身唯殉死報國且能兵  
受命麒麟殿參謀驃騎營短簫催別酒斜日駐前旌

義勇千夫敵風沙萬里行幾年丹闕下侯印賜書生

送族姪赴任

林下不成興仲容微祿牽客程千里遠別念一帆懸  
欲嘆卑棲去其如興趣偏雲山深郡郭花木淨潮田  
坐嘯帷應下離居月復圓此時知小阮相憶綠罇前

送鮑中丞赴太原軍營

年壯木仍美時來道易行寵兼三獨任威肅二師營  
將略過南仲天心寄北京雲旂臨塞色龍笛出關聲  
漢月隨霜去邊塵計日清漸知王事好文武用書生

送李秀才落第遊荆楚

翠羽雖成夢遷鶯尚後群名逃郢詵策興發謝玄文



昏旦扁舟去江山幾路分上潮吞海日歸鴈出湖雲  
詩思應須苦猿聲莫厭聞離居見新月那得不思君

送李九歸河北

文武資人望謀猷簡聖情南州初卧鼓東土復維城  
寄重分符去威仍出闕行斗牛移八座日月送雙旌  
別戀瞻天起仁風應物生佇聞收組練鏘玉會承明  
送王使君赴大原行營

太白明無象皇威未戢戈諸侯持節鉞千里控山河  
漢驛雙旌度胡沙七騎過驚蓬連馮起牧馬入雲多  
不雪盧龍塞能消瀚海波須傳出師頌莫奏式微歌

奉和宣城張太守南亭秋夕懷友

池館蟬蛩聲梧桐秋露晴月臨朱戟靜河近畫樓明  
捲幔浮涼入聞鐘永夜清片雲懸曙斗數鴈過秋城  
羽扇揚風暇瑤琴悵別情江山飛麗藻謝朓讓詩名

陪南省諸公宴殿中李監宅

將門高勝霍相子寵過韋宦貴攀龍後心傾待士時  
壺觴開雅宴鴛鴦眷相隨舞退燕姬曲歌徵謝朓詩  
晚鐘過竹靜醉客出花遲莫惜留餘興良辰不可追

春夜燕任六昆季宅

際晚綠煙起入門芳樹深不才叨下客喜宴齒諸簪  
夜月仍携妓清風更在林彩毫揮露色銀燭動花陰  
白接通家好因知待士心向隅逢故識茲夕願披襟



宿畢侍御宅

交情頗更好子有古人風  
晤語清霜裏平生苦節同  
心唯二仲合室乃一瓢  
空落葉寄秋菊愁雲低夜  
鳴薄寒燈影外殘漏雨聲  
中明發南昌去迴看御史  
驄

過楊駙馬亭子

衣冠在漢廷臺榭接天城  
彩鳳翻簫曲祥鱣入館名  
歌鍾芳月曙林嶂碧雲生  
亂水歸潭淨高花映竹明  
退朝追燕樂開閣醉簪纓  
長袖留嘉客栖鳥下禁城

過山人所居因寄諸遺補

空谷春雲滿愚公晦跡深  
一隨玄豹隱幾換綠蘿陰  
絕蹤人稀到芳採我獨尋  
厨煙住峭壁酒氣出重林

蝴蝶晴還舞黃鸝晚暫吟  
所思青瑣客瑤草寄幽心

春暮過石龜谷題溫處士林園

隱机無名老何年此陸沉  
丘園自得性婚嫁不嬰心  
歲計因山薄霞栖在谷深  
設置連草色晒藥背松陰  
觸興雲生岫隨耕鳥下林  
耆願笑來客頭上有朝簪

哭常徵君

萬化一朝盡窮泉悲此君  
如何丹竈術能誤紫芝焚  
不遂蒼生望空留封禪文  
逐年隨逝水真氣盡浮雲  
山閉龍蛇蟄林寒麋鹿群  
傷心載酒地仙菊為誰熏  
送嚴士良侍奉詹事南遊

踈傳獨知止曾參善愛親  
江山侍行邁長幼出囂塵



握手想千古此心能幾人風光滿長陌草色傍征輪  
日夕望荆楚鶯鳴芳杜新漁煙月下淺花嶼水中春  
點翰遙相憶含情向白蘋

過王舍人宅

八門花柳暗知是近臣居大隱心何遠高風物自疎  
脩然靜者事記得上皇餘雞犬偷仙藥兒童受道書  
清吟送客後微月上城初綵筆有新詠文星垂太虛  
承恩金殿宿應薦馬相如

奉和聖制登朝元閣

六合紆玄覽重軒啓上清石林飛棟出霞頂太階平  
拂曙鑾輿上晞陽瑞雪晴翠微回日馭丹轡駐天行

御氣升銀漢垂衣俯錦城山通玉苑迴河抱紫關明  
感物乾文動凝神道化成周王陟喬岳列辟讓英聲

陪郭常侍令中公東亭宴集

盛業山河列重名劍履榮珥貂為相子開閣引時英  
美景池臺色佳期宴賞情詞人載筆至仙妓出花迎  
暗竹朱輪轉回塘玉佩鳴舞衫招戲蝶歌扇隔啼鶯  
飲德心皆醉披雲興轉清不愁歡樂盡積慶在和羹

夕遊覆金山道士觀因登玄元廟

冥搜過物表洞府次溪傍已入瀛洲遠誰言仙路長  
孤煙出深竹道侶正焚香鳴磬愛山靜步虛宜夜涼  
仍同象帝廟更上紫霞崗零月懸琪樹明星映碧堂



傾思冊竈術願采玉芝芳儻把浮丘袂乘雲別舊鄉  
送張中丞赴桂州

出守求人瘼推賢動聖情紫臺初下詔皂蓋始專城  
寵借飛霜簡威加却月營雲衢降五馬林水引雙旌  
夙仰敦詩禮嘗聞偃甲兵戎樓雲外靜訟閣竹間清  
化佇還珠羨心將片玉貞寇恂朝望重計日謁承明

送王相公赴范陽

翊聖銜恩重頻年按節行安危皆報國文武不緣名  
受脤仍調鼎為霖更洗兵幕開丞相閣旗總貳師營  
料敵知無戰安邊自有征代雲橫馬首燕鴈拂笳聲  
去鎮關河靜歸看日月明欲知瞻戀切遲暮一書生

奉送戶部李郎中充晉國副節度出塞

德佐調梅用忠輸擊虜年子房推廟略漢主記兵權  
受命榮中禁分麾鎮左賢風生黑山道星下紫微天  
始願文經國俄看武定邊鬼方堯日遠幕府代雲連  
汗馬將行矣盧龍已肅然關防驅使節花月眷離筵  
自忝知音遇而令感義偏淚聞橫吹落心逐去旌懸  
帝念堯能政時須說濟川勞還應即爾朝暮玉墀前

劉長卿十九首

栖霞寺東峯尋南齊明徵君故居

山人今不見山鳥自相從長笑思齊主終身卧此峯  
泉源通石徑澗戶掩塵容古墓依寒草前朝寄老松



片雲生半壁萬壑徧踈鐘惆悵長空去猶疑林下逢

九日祭國公主樓

主第人何在重陽客暫尋水餘龍鏡色雲罷鳳簫音  
暗牖藏昏曉蒼苔換古今晴山卷幔出秋草閉門深  
籬菊仍新吐庭槐尚舊陰年年盡梁燕來去豈無心

自道林寺西入石路至麓山寺過法崇師

故居

山僧候谷口石路拂莓苔深入泉源去遙從樹杪回  
香隨青靄散鐘過白雲來野雪空齋掩山風古殿開  
桂寒知自發松老問誰栽惆悵湘江水何人更渡杯

行營酬呂侍御

時尚書問罪襄陽軍次漢東境上侍御以自隣賦曉

復有水火迫於征稅詩以見喻

不敢淮南卧來趨漢將營受辭瞻左鉞扶疾拜前旌  
井稅鶉衣樂壺漿鶴髮迎水歸餘斷岸烽至掩孤城  
晚日當千騎秋風合五兵孔璋才素健早晚檄書成

長沙早春雪後臨湘水呈同遊諸子

汀洲暖漸綠烟水淡相和舉目方如此歸心豈柰何  
日花浮野雪春色染湘波北渚生芳草東風變舊柯  
江山古思遠猿鳥暮情多君問漁人意滄浪自有歌

送鄭十三歸廬山

潯陽數畝宅歸卧掩柴関谷口何人在門前秋草閑  
忘機賣藥罷不語杖藜還舊筓成寒竹空齋向暮山



水流過舍下雲去到人間桂樹花應發因行寄一攀  
送鄭說之歙州謁薛侍郎

漂泊來千里謳歌滿百城漢家尊太守魯國重諸生  
俗變人難理江傳水至清舡經危石住路入亂山行

老得滄洲趣春傷白首情嘗聞馬南郡門下有康成  
送荀八過山陰舊縣兼寄剡諸官

訪舊山陰縣扁舟到海涯故林嗟滿歲春草憶佳期  
晚景半峯亂晴江一鳥遲桂香留客處楓暗泊舟時

舊石曹娥冢空山夏禹祠剡溪多吏隱君去道相思  
毗陵送鄒結先赴河南判官

王事相逢少雲山柰別何芳年臨水怨瓜步上湖過  
客路方驚楚鄉心共渡河凋殘春草在離亂故城多

罷戰逢時泰輕徭竹俗和東西此分手惆悵恨烟波  
無錫東郭送友人遊越

客路風霜曉郊原春興餘平蕪不可望遊子去何如  
烟水乘湖濶雲山逼越初舊都懷作賦古穴覓藏書

碑缺曹娥宅林荒逸少居江湖無限意非獨羨樵漁  
奉陪鄭中丞自宣州解印與諸姪宴餘干

後溪  
跡遠親魚鳥功成厭鼓鼙林中阮氏集池上謝公題

戶牖垂藤合藩籬挿檜齊夕陽山向背春草水東西  
看竹誰家好看花幾路迷何勞問秦漢更入武陵溪



奉和趙給事留贈李舍人兼謝舍人

便道訪情親東方千騎塵禁深分宜地夜遠獨行春  
絳闕辭明主滄洲識近臣雲山隨候吏雞犬逐歸人  
庭願娑娑老邦傳蔽芾新玄輝翻佐理聞到郡齋頻  
至饒州尋陶十七不在寄贈

謫宦投東道逢君已北轅孤蓬向何處五柳不開門  
去國空回首懷賢欲訴冤梅枝看嶺嶠竹路過湘源  
月下高秋鴈天南獨夜猿離心與流水萬里共朝昏

贈元容州

擁旌臨合浦上印卧長沙海徼長無戍相山獨種畝  
政傳通歲貢才惜過年華萬里依孤劍千峯寄一家

累徵期旦暮未起恋烟霞避世歌芝草休官醉菊花  
舊遊如夢裏此別是天涯何事滄波上漂漂逐海查  
題裴式微餘干東齋亭

世事終成夢生涯半欲過白雲心已矣滄海意如何  
藜杖全吾道榴花養太和春風騎馬醉江月釣魚歌  
散帙看虫蠹開門見雀羅遠山終日在芳草傍人多  
吏體莊生傲方言楚俗訛屈平君莫吊腸斷洞庭波  
留題李明府雲溪書堂

寥寥此堂上幽意獨難論落日無王事青山在縣門  
雲峯向高枕漁釣入前軒竹動疎簾影苔生雙履痕  
荷香隨坐卧湖色映晨昏虛牖閑生白鳴琴靜對言



暮禽飛上下春草帶清渾  
逐岸誰家柳孤烟何處村  
謫居投瘴癘離思過湘沅  
從此扁舟去誰堪江浦猿

謫居下越亭作

天南愁望絕亭上柳條新  
落日獨歸鳥孤舟何處人  
生涯投越徼世業陷胡塵  
杳杳鍾陵莫悠悠鄱水春  
秦臺悲白首楚澤怨青蘋  
草色迷征路鶯聲傍逐臣  
獨醒翻引笑直道不容身  
得罪風霜苦全生天地仁

高仲武云可謂傷而不  
然亦足以發揮風雅矣  
青山數行淚滄海一窮鱗

牢落機心盡唯憐鷗鳥親  
揚文公說苑云咸平初罷度  
州赴關道經餘于登于越亭

前聯琵琶州後枕思禪寺林麓森鬱天下之絕境古  
今留題者百餘篇而刘此篇絕唱也

覆按後赴睦州贈苗侍郎

地遠心難達天高謗易成  
羊腸雷覆轍虎口脫餘生

直氏偷金枉于家決獄平  
一言知已重片議殺身輕

日下人誰憶天涯客獨行  
年光銷蹇步秋氣入衰情

建德知何在長江問去程  
孤舟百口淚萬里一猿聲

落日開鄉路空山向郡城  
豈令冤氣積千里在長平

初貶至巴南至鄱陽題李嘉祐江亭

南出巴人徼長江萬里隨  
不才其謫去流水亦何之

地遠明君棄天高酷吏欺  
青山獨往路芳艸未歸時

流落還相見悲歡話所思  
猜詭傷蕙蕊愁慕向江離

淚盡看長劍心閑倚釣絲  
水雲初起重暮鳥遠來遲

稚子能吳語新文怨楚辭  
伶君不得意客髮老南枝





禪智寺上方懷演和上人寺即和尚所創

絕巘東林寺高僧惠遠公買園隨苑下持鉢楚城中  
斗極千燈近烟波萬井通遠山低月殿寒木露花宮  
緋宇焚香靜滄洲罷集作霧空鴈來秋色裏曙起早  
潮東飛錫今何在蒼生待發蒙白雲翻送客黃葉自  
辭風捨筏追開士回舟狎釣翁平生江海意唯共白  
鷗同

唐詩品彙七十七

唐詩品彙七十八

接武中

皇甫冉 十首

冬夜集賦得寒漏

清冬洛陽客寒漏建章臺出禁因風徹縈窓共月來  
偏將寒籟雜乍與遠鴻哀遙夜重城警流年滴水催  
閑齋堪坐起况有故人杯

送歸中丞使新羅

詔使殊方遠朝儀舊典行浮天無盡處望日計前程  
躉喜孤山出長愁積水平野風飄疊鼓海雨濕危旌  
異俗知文教通儒有令名還將大戴禮方外授諸生